

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Agens De Rebvs Ecclesiæ Sacris, & profanis, earumque usu, acquisitione,
conservatione, & alienatione

Strein, Johann

Coloniæ Agrippinæ, 1658

§. 1. De assecuratione

[urn:nbn:de:hbz:466:1-61834](#)

§. I.
De Asscuratione.

I. **A** Securatio est Contractus, quo aliena rei periculum suscipitur pro pretio, aut also interesse. Dicitur 1. Contractus, quia obligationem reciprocam in paciscentibus producit. Nam qui asscurat promittit securitatem, qui asscuratur, promittit pretium, & soluit. 2. Quo suscipitur aliena res periculum, ut intelligas materiam asscurationis esse res dubias, & periculis subiectas: ideo asscurans in se recipit periculum. 3. Pro pretio. Quamvis enim fieri gratis possit, communiter premium intervenerit, & meritum, cum periculorum eventus varius & incertus, adeoque pretio estimabilis sit. Conrad: de Contr. q. i. Garcias eod. c. 39. Summissa V. asscuratio, & Negotiatio. Less. c. 28. D. 4.

Aliqui, ut Silv. V. Negotiato. nu. s. cum Baldo reducunt ad contractum innominatum. Facio, ut des. Facio, ait asscurans, & præsto tibi securitatem: respondet offens premium, Do pecuniam, ut me secum reddas. Quod Contractus nominatos attinet ad Emptionem, & venditionem revocate licet. Asscurator enim vedit susceptionem periculi, vel obligacionem soluendi estimationem rei, si perireat, certo pretio. Albernotius vero quem Garcias sequitur, reducit ad fideiussionem. Tria namque invenimus in hoc Contratu. 1. concurrexit dominus rei asscuratus, qui est instar creditoris, cui fideiubetur. 2. est res asscurata, quæ correspondet debitori, consideratur enim, quasi ipsa obligata esset, ut perveniat salva in manus creditoris. 3. est asscurator correspondens si-

deiussori, qui pro re asscurata, ut pro debitore ad solvendum obligat se, si salva non perveniat. Alii malunt ad locationem, & conductionem trahere quia asscurator locat operam suam in constituendo navim in tuto, & pro ea opera pretium accipit. Non interest demum, quod ita natura illius perspecta. Meo quidem sensu nulli, quam emptioni, & venditioni proximior est, ut facile cuilibet natum ipsius accuratè perscrutanti patet.

II. Ad huius Contractus iustitiam tria concurrent, necesse est. Primo ex utraque parte æqualitas, ut asscurator proportione periculum attenta premium exigat, & asscuratus illud ratione periculorum solvat. Secundo ut eventus, de quo pactum initit, neutri parti manifestus, sed dubius, & incertus sit. Tertio ut qui asscurat aliud, verè habeat, unde satisfacere possit, per se, vel per alium: & qui asscuratur, revertem de loco in locum transmittat, nec mutet iter, exponendo rem maiori periculo, quam coaventum sit: præterea tandem in rebus servandis diligentiam adhibeat, quam adhibuisset absque asscuratione. Mol. D. 507. Az. 3. l. 11. c. 8. D. 3. Sato l. 6. q. 7. Lugo D. 31. s. 7. nu. 93. Vnde legitur i. quando asscurator certò novit merces in portum appulisse, vel alias securro loco esse, non posse secundum iustitiam, quicquam exigere. Tunc enim obligatio ipsius nullam pretii estimationem meretur. 2. si quid accepit eo nomine ad restitutionem teneri, ut ad expensas contractus quoque, & damna inde enata, cum horum omnium efficax causa sit. Quod si in securro res fuerit, ipso ignorantie, poterit exigere premium iuxta estimationem eius periculi, cui se opposuit

Card

Card. Tusculm Conclus. 537. & V. Securitatem Concl. 95. Lefse 28. D. 4.

III. Ex adverso, si mercator, qui item iuvarum conservationem, & securitatem querit, eas jam tum perisse certid cognoverit, de assecratione pacisci non potest: quia finis, quem intendit, impossibilis est, & assecratio rem versari in periculo supponit. At quamdiu dubium manet, ab assecurante aliquid recipere potest, pro periculo, cui exponeat illud premium absque incommodo assecuatoris, uti posset, cum res non periret: & si perierit, aliquid amplius reperire supra premium datum. Quod omnino conveniens est. Nam quia assecratio lucrum habere potest in bona fortuna, dum res absque suis impensis conservatur, etiam in contrario eventu equum est, ut perdere possit, quod non fiet, nisi ultra premium darum exigere aliquid amplius licet. *Filiut. tract. 37. c. 1. n. 5. & 6.*

Card. Lugo loco cit. n. 94. & seqq.

IV. Quia quatuor rerum genera sunt, in quibus contractus assecrationis versetur, quatuor illius species assignantur. In primo genere numerantur merces sive in mari, sive in terra. In secundo pecunia, sive quando loco in locum transmittuntur, sive alias debitæ, ut si tibi 1000. aureos debeat Caius, & mercator ea assecuret pro consueta pensione aurorum jo. In tertio est libertas, cum quis exempl. gratia mare navigans, metuensque piratas curet sibi assecurari libertatem. In quarto est vita. Sic beneficiarii, ut Bullas redimant, à mercatore accipiunt summam pecunia, quam solvant tribus aut quatuor annis: simul etiam pro eo tempore curant vitam asse-

curari, alioqui pecuniam mercator non vell dare. *Garzia c. 39 num. II. Silv. V. negotiatio num. 4.* Licer enim humanæ vitæ nulla vel nunquam sufficiens æstimationis aut premium queat assignari, commoda tamen & damna, quæ ex illius brevitate, vel longitudine pendent, æstimationi subjacent. Quocirca Republicæ multum prolunt mercatores illi, qui aliorum vitam assecurant. Cogitate Episcopum electum esse, & pro expeditione literarum pecuniam accipere post quinque annos reddendam, mutuator volet esse securus, ut se indemnem servet, proque ea assecratione meritò premium exigat assecuator. *Lopez l. 2. de Contract. c. 16. Azor loco cit. Dubi: ult.*

V. De pecunia assecratione, an non usuræ labi infecta sit, aliqui dubitant. Titius mutuò dat pecuniam mihi eamque per loca periculosa translatur, assecurat, & premium exigit, an juste? Negant: *Sotus, Cajet. Silv. & Navarrus apud Lud. Lopez part. 2. Instructori c. 72.* quibus favere creditur c. *Naviganti de usuris*, ubi damnantur, qui ultra loretum aliquid exigunt à navigantibus pro assecratione pecuniarum. Sed *Navarrus*, in *Comm. de usuris*, licet hunc sensum antiquum & proprium esse faciat citati capit is, quod per susceptionem periculi rei mutuatæ usura non tollatur. Monitos tamen esse vult *Gregorium IX.* non dicere, quod prædictus contractus sit usurarius, sed tantum quod censendus sit usurarius, id est, talis præsumendus in foro exteriori, & velut usurarius puniendus, quita contradictionis; licet aliquando in conscientia non sit usurarius v.gr. in casu, quo postquam absolute & absque sinistra intentione

Sss 3 mutua-

mutuator pecuniam dedit , ad instantiam mutuarii, subierit periculum pecuniae sic mutuatæ; tunc ratione assecurationis istius periculi pretio æstimabilis poterit licet & absque usura petere & accipere aliquid ultrà sortem. *Salas de Cambiis Dub. 8. Binsfeld. in c. Naviganti. de Vsur. quest. 1.*

VI. Contractum hunc fraudibus obnoxium esse in utraque parte manifestum est , ut meritò de illis excludendis *Soto moneat l. 6. q. 7.* licet melius faceret eas indicando. Sunt autem à parte assecurantis duæ, quarum prima est, si promittat assecurationem , nec habeat sufficientia bona , ex quibus damnum, & jaeturam mercium compenset. Secunda, si pro illis rebus spondeat, quas certò novit extra omne periculum esse. Totidem modis fraudem facere potest, qui assecrandus est. Primò si rem suam periisse certò noverit , & tamen cum alio pacifcatur, ut illam assecuret. Secundò si loco eius rei, quæ assecurata est, aliam substituat minoris valoris , vel etiam nullam. Sic enim propter materiæ & voluntatis defectum invalidus contractus redditur. Nam absque consensu voluntatis, & re substrata pactum fieri impossibile est, ut ex Titulo 7. §. 1. constat. *Soto Garzia & Azor loco cit. Dub. 9 Lefsius loco cit. num. 24. & sequ.*

VII. Obligatio assecuratoris est, ut si merces pro quibus assecurationem promisit, ex toto aut parte intereant, illarum æstimationem præstet. Dico æstimationem , quia non tenetur ad totum valorem mercium, sed quanti æstimatae fuerint , vel lege & consuetudine aliqua, vel particularibus pañis v. gr. trium, qua-

tuor, aut quinque pro quolibet centenario. E contra assecuratus tenetur ad solvendum premium assecurationis, de quo convenerat: præterea compensare damnationem, quæ assecuator patitur in mercium interitu , cum nulla ipsius culpa intercedit. Poterit autem si quid ex naufragio, vel direptione superest, illi relinquere vel alio modo satisfacere prudentum viro. rum arbitrio. *Fill ut tract. 37. c. 1. num. 14. Silvest. V. Negotium quæst. 4.*

VIII. Huc pertinet Contractus in Hispania consuetus & frequens. Cum bona magni pretij sub hasta vænum expnuntur, promitti solet certa pecunia illi, qui premium auxerit: hic pro illo preio auget rerum venalium premium intra justi valoris terminos, quantum potest, & assecurat venditorem , quod deficiensibus aliis ipse emere velit. Non esse iustam hanc conventionem ex proportione, quam cum Contractu assecurationis habet, cognosci potest: quia periculum, quod in se suscipit assecuator preio æstimabile est, & supponimus iustitiae leges manere integras: quamvis evenire queat, ut bona exposita summo preio accipere cogatur, qui ad id fidem suam obligavit. *Azor loco cit. c. 21. Dub. 3. Catt. Lugo loco cit. num. 103.*

§. II.

De Sponsione.

I. **S**ponsio est Contractus, in quo duo de veritate vel eventu alicujus rei litigantes, sibi invicem spöndent aliquid, ut illud fiat, qui veritatem attigerit. *Lugo Disp. 31. Sect. 6. num. 73.* Duo igitur in hoc contractu